



CANTIC SPIRITUEL

EN ENOR

D'AN IFRON VARIA A PORZOU,

Pehini a ra cals a Viraclou er Castel-Nevez.

Var ton : O Tad, o Mab, o Sper et Glan.

Me a garre Guere'hes Vari,
Galloud cresqui ho meuleudy,
Hag e pep calon angravy.
An hano JESUS ha MARI.

Pet d'en a so er Barados
Joayus, eürus deiz ha nos,
Pere p'nd e sicour MARI,
A vizie en tan o lesqui.

Pet den siouas a so daounet,
Hac a al-se hesa salvet,
Mar carzent pedy a galon
MARI hon Mam hac hon Itron.

Gret mat eo assur bisita
Chapelou n'Intron VARIA,
Gant guir Feiz ha devotion
Evit gallout caoüet pardon.

MARI ra cals a Viraclou
Er Chapel hanvet ar Porzou,
Tostic d'ar Castel-Neve,
Pa ze permission Doue.

Evit ma vezo inspiret
Cals emeus a Pelerinet,
Da visita ar Chapel-se,
E rapportin darn a neze.

Eun den dign d'a vezout credet
En danger da veza beuzet,
Er mor tostic da Venodet,
A so bet ganti recouret.

O veza prest da gonfonti
Em voüestlas a galon dezi,
O prometti mont d'ar Porzou
O gouzout-se re Miraclou.

He pried clan hag affliget,
He gant midicin dilezet,
D'ar Porzou en em voüestlas.
Ha souden yec'het e cavas.

Beza ezoa diou vreg vrases
Ebars er Guer a Vontroules,
Pere o vesa poaniet bras,
Da vont d'ar Porzou en em voüestlas.

Hag yves Euzen ar Cornec
A Pares Guisgrif assuret
Epad teir sizun ezeo bet
Hep' gallout ober eur gamet.

En em goüestlas en deues gret
D'ar Verc'hes Sacr ha biniguët,
Hag en deues bet ar yec'het:
Chetu Miraclou bras meurbet.

A Pares Edern ententet
Yves Louïs al Louedec
En devoa collet ar gueleët,
Allas! ne wele lom e bet.

D'ar Porzou er Castel-Neves
En deus en em goüeslet yves,
Hac en deus bet ar gueleët
Digant ar Verc'hes viniguët.

A Pares ar C'hastel-Neves,
Frances ar Ros ez eo hanvet,
Eur croüadur yaoüanc meurbet,
Biscoas n'en devoa bet querset,
Er Porzou en deus bet remet.

C'hoas er gear a Castel-Neves
Eur croüadur yaoüanc yves,
En devoa collet ar querset,
D'ar Porzou eoa douguët.

Goude beza bet er Chapel,
Ez eo disouget d'ar feunteun,
Hac en deues bet ar querset
Dirac an oll assistantet.

Francesa ar Bris, a Quarahes,
En deues discleriet yves,
Eur gar dezi a voa breinet,
Percluses voa en em rentet.

En em recommandi e deus gret
Da Vam hor Salver biniguët ,
Hag e deus bet ar yer'het ,
Meulomp hor Salver biniguët .

Eus ar guez a Castel-neves
E voa eur voue'hisés yves ,
Quen terrubl oa incommodet
Ma devoa collet ar querset .

D'an Itron VARIA ar Porzou
He deus offret e fedennou ,
Ar feunteun yves bisitet ,
Neuze souden oe soulaget .

Daou croüadur eus a Gourin ,
Unan voa clan gant ar darsien ,
Un all ne alle quet querset ,
Er Porzou o deus bet remet .

Hac yves Ezen ar Boudet
Eus a Pares Sant Hernin ,
En devoa collet ar querset
Meurbet e voa incommodet .

Ebars e Chapel ar Porzou
En deues gret e pedennou ,
Hac er feunteun en em goele'het ,
Neuze en deus bet ar querset .

Quer buan e voent delivret ,
Hag o veza bet dispoanniet ,
Donet ña rezoût d'ar Porzou ,
Da renta joaus ho vœvou .

Er Castel-Neves e crogas
Ebars ar goal un tan bras ,
An ty tosta a voa goëstlet
D'ar Porzou eur plaç biniguët .

Incontinant e voue mouguët
An tan , ha flammou diremet ;
Chetu , pec'her bras , Miraclou
A rer e Chapel ar Porzou .

Eun nosvez eun ozac'h a Las,
Er Castel-neves a coëzas ,
Divoar ar pont en eun dour bras ,
Miracl eo pa ne veuzas ,

Crial a re : « Guerc'hes VARI ,
Ma recouret , me ho suppli , »
En instant e voue preservet ,
Hac emeus a rivier steiget .

Eur croüadur o voud coëzet .
En eur punç , hag eno lezet ,
A het tri deis so preservet
Dre voyen MARI biniguët .

Eun all epad teir heur antier
O veza beuzet en eur Ster ,
Ato bet recouret salo ,
Hag a dleze beza maro .

Piou eo na vel breman scler ,
Ar miraclou bras ha caër
A ra Ver'hes dre graç Doue
Ar Porzou er Castel-neve .

It oll eta a vandennou
D'ar Chapel devot ar Porzou ,
Da implori gant guir fianç
He sicour hac e assistanç .

Eur Capucin eus ar Pares
En deves dre he vadeles ,
Reot Relegou a pemp Sant ,
Hac eus eur Santes a present .

Da cresqui an devotion
En andret MARI hon Intron ;
Rac ma zeo guir Advocades
Evit an oll pec'herien quæs.

Er mis Eost er Sul diveza ,
Emedi e Fardon brassa :
Deuet oll gant devotion
Da gounit ar remission.

Hon Autrou Person en deus bet ,
Evit an oll Pelerinet
Emeus a Rom eur jubile ,
Pehiny a pado tri de.

Itron VARIA a Porzou
Obtenit deomp ar graçou ,
Da alloud em convertissa ,
Ma hallimp guel ho servicha.

C'hoy so Intron a guelou mat ,
Ho recommandit oll d'hon Tat ,
Ha suppliet ho Mab JESUS ,
D'or rentas da james eurus.

AMEN

